

武陵縣志卷之二十

同治壬戌編成

陽湖 惲世臨鑒定

邑人 陳啟邁纂輯

災祥志第一

五行休咎各以類應咸若雨暘變為氛祲高旱低潦禱祠雩禳稼傷霜雹木折冰凌塘水沸立五虹交暈蝗蝻叢生殘蝕林箐獸戾禽妖偶萌災釁疫癘流行民受厥病感以祥符象呈和順駢穗三男康阜同慶志災祥

漢

昭帝元平元年流星出翼軫東北有光聲如雷三鳴乃止

漢書

武陵縣志

卷之二十

災祥志

成帝河平二年四月楚國雨雹大如斧蜚鳥死

五行志

桓帝延熹五年臨沅縣有牛生雞兩頭

搜神志

後主延熙十二年

吳赤烏十一年

黃龍見武陵

符瑞志

晉

武帝咸甯二年閏七月荊州郡國大水流四千餘家

文獻通考

太康六年六月武陵旱

晉書

成帝咸康元年八月武陵大水

文獻通考

安帝隆安三年臨沅獻石榴一蒂六實

宋書符瑞志

南北朝宋

文帝元嘉中武陵水在山崩聳石闕高數丈宛若雕刻

宋書

孝武帝大明三年五月白燕產武陵臨沅民家郢州刺史孔

靈符以聞宋書符

七年六月臨沅白獐見符瑞志

齊

高帝建元二年武陵沅頭都尉治有桑樹方冬生葉南齊書

武帝永明八年武陵白沙戍楓木連理相去五尺高三丈東

西二枝合而通柯祥瑞志

梁

梁時武陵城東產芝數本因建靈芝觀賀志

唐

武陵縣志 **卷之二十** 災祥志

二

中宗六年武后永昌元年朗州雌雞化為雄宏簡錄

大曆二年湖南水災唐書五行志

德宗貞元十一年朗州江溢本紀

二十一年朗州武溪水鬪唐書

順帝永貞元年朗州武溪水溢秋武陵江水溢漂萬餘家唐書

憲宗元和二年自季春至於六月不雨劉禹錫觀市文

三年湖南旱五行志

文宗太和四年夏湖南大水害稼五行志

開成三年湖廣諸州大水宏簡錄

宣宗大中五年湖南饑本紀

五代唐

明宗長興元年湖南比年大旱

周

太祖廣順元湖南饑通鑑

世祖顯德三年湖南大饑通鑑

宋

太宗雍熙二年七月朗州江溢害稼宋史五行志

真宗淳化三年十月朗州異竹生五行志

大中祥符六年鼎州城柱下生芝一本五行志

嘉祐元年七月荆湖北路水災府志

武陵縣志

卷之二十

災祥志

三

八年十月鼎州芝草叢生下得異龜文獻通考

神宗熙寧八年七月鼎州產芝三本其一類珊瑚枝葉樛結

宋史

徽宗建中靖國元年湖南旱本紀

高宗紹興五年湖南大饑殍死流亡甚眾 六月湖南旱宋史

二十三年六月水漲壞城平地丈五尺民盡保城西山趾

續通鑑

孝宗乾道七年湖南旱饑五行志

淳熙三年夏常德旱大饑五月晦大水入郛文獻通考

十五年五月常德大水五行志

十六年五月沅靖山水暴漲至常德府城沒一丈五尺漂
民廬舍五行志

光宗紹熙三年五月常德大水通晝夜九日大水入郭本紀

五年八月武陵江水溢田廬圯塌甚眾五行志

甯宗開禧元年夏鼎州大旱文獻通考

元

世祖至元十七年常德路饑本紀

成宗元貞元年五月常德水本紀

二年七月常德大水本紀

大德元年八月常德路大水 十一月武陵大水本紀

武陵縣志 **卷之三** 災祥志 四

二年五月常德旱本紀

五年九月常德旱本紀

七年七月常德路饑本紀

九年七月常德路饑本紀

武宗延祐元年五月霖雨水溢為災漂溺五百餘人 八月

常德水五行志

二年五月常德饑本紀

泰定帝泰定元年六月常德饑本紀

二年十一月常德水本紀

三年三月常德饑本紀

文宗天曆元年四月常德饑 本紀

二年十月常德旱

至順元年二月常德饑 七月常德水 本紀

順帝至正元年春湖南饑 五行志

明

成祖永樂九年三月縣民劉觀保妻一產三男 賀志

宣宗宣德八年縣署火 賀志

英宗天順二年常德饑 明史

三年常德大旱 明史

憲宗成化五年常德大水漂民廬 府志

武陵縣志 卷之二十 災祥志

七年縣民馮貴家牛生犢麕身馬蹏周身鱗甲風雷交作

民怪而殺之知府楊宣以聞 通志

二十三年常德大旱饑道殣枕藉 府志

孝宗宏治元年常德大旱 府志

六年八月熊入府城傷六人 府志

十四年虎入府城 府志

武宗正德五年常德大水 府志

八年四月大風雨雹驟作壞舟覆屋 府志

御史劉璟墓旁產芝一本 府志

十年八月朔日食晝晦星見如夜 府志

十一年地震 府志

世宗嘉靖元年常德大水決隄防 府志

二年常德大旱饑 府志 十二月大風雪暴作凍死枕藉 府志

五年常德大旱饑

七年常德大旱 府志

十一年六月蝗有鸚鵡食之 府志

十二年霪雨自四月至六月江漲城幾潰山谿蛟出損田

禾 府志

十三年四月大雨河溢決隄五月六月大旱飢民多死 府志

二十二年大水漂沒房屋 府志

武陵縣志 卷之二十一 災祥志 六

二十八年正月府城地震有聲 府志

穆宗隆慶五年大水決隄民多死 府志

神宗萬曆十六年大旱民多疫死 府志

二十二年大水決隄 府志

二十七年霪雨自五月至八月禾稼俱漂 府志

三十五年常德大水漂沒廬舍 五行志

三十六年大水饑疫相繼 府志

三十九年大水決隄是後歲有水患 郡國利病志

四十一年四月城外便河泉沸浮沙作碎金色數日乃止

四十六年九月大雨雹平地水湧三尺 府志

四十七年虎入府城 府志

熹宗天啟元年春積雪五十餘日夏水漲隄決 府志

七年民家牛生犢自脊以前歧為二兩口俱食 通志

十一月城東民家豕生子白無毛象鼻牛足有肉角寸許

府志

莊烈帝崇禎元年秋四閱月無雨湖池俱涸十月驟雪魚凍

裂 楊大傳戊辰日曆

四年七月夜地震聲如雷日數次塌壓民居無數土裂涌

黑泉高二三丈田池復陷水涸連三歲不止 府志

武陵縣志

卷之二十

災祥志

七

九年縣學泮池水湧至明倫堂經夕堂鼓自鳴 府志

十六年自四月至九月不雨瘟疫行 府志

十七年十月天鳴竟夜 府志

國朝

順治二年縣北鳳凰山雨血 府志

八年六月十二夜雨西南天裂約百丈橫可丈餘有聲隕

星一如斗 府志

九年常德大旱 府志

十年饑斗米千錢民多殍 府志

四月大風折木雨雹如甄傷人 府志

十二年大水龍坑有巨鼉射之不入府志

十五年大水槐花隄決巨鼉徙府志

康熙二年大水隄決府志城內外火延燒無數

四年十月常德地震有聲東華錄

五年四月城東井沸三日聲震地府志

六年縣南蛟出水沒山巔大木折民居多損府志

十八年常德旱通志

二十八年城內外火焚千餘人節婦紀畧

四十三年秋武陵旱府志

四十七年夏武陵水通志

武陵縣志 卷之二十 災祥志

五十五年夏武陵水通志

雍正四年夏武陵水府志

五年夏武陵水府志

七年秋武陵旱府志

十一年四月初六日常德府城北門內民居火延燒千四

百餘間 詔訓飭地方官經世文編

乾隆四年常德旱

十一年武陵旱府志

十二年常德大水衝塌民屯田地通志

十四年武陵水通志

二十四年十月城東井沸有聲 府志

二十五年武陵水 通志

二十六年武陵水 通志

三十一年常德大水隄決

三十四年自正月至五月霖雨水漲決隄殆盡自六月晴

至九月大旱陂塘盡涸 王敬禧災異續筆

三十五年八月城東北三處火同時燒五百餘家 災異續筆

四十三年常德大旱冬饑 府志

四十四年春大饑大疫 府志

五十年常德旱

武陵縣志 卷之二十 災祥志

五十一年武陵大水 府志

五十二年三月至六月多火災 府志

五十四年武陵大水 通志

五十七年武陵大水 通志

嘉慶七年秋旱 府志

十年六月雨黑水 志稿

十一年大水

十二年三月武陵大水

十三年大旱饑斗米錢八百民間錢荒所行皆鵝眼榆莢

之數 府志 縣北村民析薪木理成天下太平字 府志

十四年縣北文江渡民田麥穗兩歧 府志

十六年旱 府志

二十一年大水西隄決

道光十一年大水城東西隄俱決漂沒居民不可勝計 七

月十四日日光綠

十二年大饑大疫道殣相望死亡以萬計民戶多絕

十三年水

十四年大水

十五年大旱

十七年至二十四年遞有水患

武陵縣志

卷之二十

災祥志

十

二十二年六月有星晝見由東北直指西南

二十三年府城地震

二十六年大雨雹傷稼

二十八年六月大水西隄決漂沒民廬無數 十一月癸

有紅雲四合大雷雨

二十九年三月至五月大雨水暴漲官私隄堦盡潰漂溺

民居無數大饑斗米錢八百大疫殍亡相繼民戶多絕

三十年七月地震

咸豐元年至五年歲有水患

二年七月彗見西方

三年三月及六月陰霾蔽天日色無光 二月二十七夜
有星大如椀色白東南流有聲光長二丈餘尾赤久之復
作數小星

四年粵賊陷城 詳見紀兵 十一月自辰州以下水沸立塘堰

皆然

六年旱

七年七月蝗飛蔽天

八年蝗不為災

時知府葆亨率屬吏躬履四鄉督民禽撲悉坑之又購獻蝗蝻日數十百斛以是蝗無遺種不足害稼是秋遂大熟云 八月彗見太微垣

十年九月大水 六月有牛五足一出於背 十二月大

武陵縣志

卷之二十

災祥志

十一

凍冰凝樹木壓折無數

十一年二月前鄉沙溪坪民婦陳氏一產二女一男 五

月大水 彗見文昌少輔間 七月六日雲驟起西南如

煙火狀大風雷雨如注壞屋覆舟溺斃百餘人府學大

成門風撲其一吹折提署旗竿 八月有妖人剪髮辯邑

人大恐桃源旋獲教匪伏誅民始定

論曰子產有言天道遠人道邇異常之事君子多慎言之

武陵上承五溪下阻洞庭春夏恆苦水入秋則沙灘淤涸

又易致旱水旱之在吾邑謂之異常不得也

國家軫恤民命屢沛

恩膏而隄防之曲築河渠之壅遏依然如故天道邪人道邪
君子宜知所辨矣

武陵縣志

卷之二十

災祥志

三

武陵縣志卷之二十終

同治癸亥
鈔本